

¡BOMBA!

Fue en una reunión de ofidios
que alguien se animó a inquirir:
¿lo dejan a uno vivir
donde hay menos homicidios?



K'untzil

Lunes 4 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2534 · www.lajornadamaya.mx

Yoreme t'aane' táan u bin u ch'éejel tu xamanil México: Antolín Vázquez



Yorem nokki t'aane', pata'an u k'aaba' beey yoremee', ku t'aanal tu péetlu'umilo'ob Sonora yéetel Sinaloa, tu xamanil México. Ba'ale' walkila' sajbe'entsil yanik u ch'éejel, tumen u ya'abil paalal ku líik'ile' ma' táan u na'atiko'ob mix táan u t'aniko'ob le t'aana', tu ya'alaj juntúul jxak'al xook.

"Táan k-ilik ya'abach táankelemono'ob ku taakpajalo'ob k'aay Danza del Venado, ba'ale' ma' ti'al p'íitkunsbil ba'ax ku beetiko'obi, chéen ba'axe'

chéen táan u k'aniko'ob u k'aayil nojoch máako'ob, kex ma' tu na'atiko'ob (...) ya'abach juntéenake' ma' u k'ajool ba'ax u k'áat u ya'al t'aano'ob, tumen noj ba'alo'ob", tu ya'alaj Antolín Vázquez Valenzuela, máax náajalt Premio Nacional de Arte y Literatura tu jaatsil Culturas Populares.

Leti'e' méek'a'an tumen Yoreme-Mayo kaaj. Ti' kaja'an tu noojolil Sonora yéetel u xamanil Sinaloa. Tu tsolaj paax, ook'ot yéetel k'aayo'ob suuk u beeta'al ich yoreme-mayo

t'aane' noj ba'al ku ya'alik: ku níib óolal, ku k'áatik cháak, ku k'áat óoltik ka uts yanak kool wa ka utsil yanak kuxtal.

Ba'ale', paalal ku bin u líik'ile' ma' táan u náatiko'ob u yool t'aan "le beetike' chéen beey u k'ayiko'ob, kex ma' táan u na'atik u puxsi'ik'alo'ob je'ex u beetik le nukuch máako'obo", tu ya'alaj jxak'al wíinik ts'ook u máansik maanal 40 ja'abo'ob meyaj ti'al ma' u sa'atal kilí'ich k'aayo'ob yéetel suuka'anil ba'al ku beeta'al tu kaajal.

Vázquez Valenzuelae' siij tu kaajil El Júpare, tu méek'tankaajil Huatabampo, tu noojolil Sonora: Leti'e' tu k'amaj u chíimpolalil Premio Nacional de Artes y Culturas Populares yook'olal meyaj u beetmaj yook'olal yoreme t'aan, yéetel tumen u beetmaj k'aanan xaak'alo'ob yéetel le tu k' kuxkiinsaj uuchben suuka'anilo'ob ts'ook u ch'éejel, je'el bix Danza del Pájara, ku beeta'al ti'al u k'áatoolta'al u yutsil pa'ak'al ixi'im.